

Vumm Tsunami

Wie misch omm letzde Sunndaachmoie de Hubert oogerufe hott, war isch im ersde Aacheblig e bissi verschrogge, dem werrd doch nix bassierd soi? Weil de Hubert hadd misch grad erst vor vier Woche oogerufe unn sunnst hadder sisch immer mieh Zeit gelosse zwische zwaa Oorufe

Um Gotteswille, Hubert, habb isch ins Telefon gekrische, was issen los? Iss ebbes bassierd?

Jetzt war de Hubert verschrogge unn hott gestommeld: Ei ... ei Hannes, nein, bei mir ist alles in Ordnung.

Gottseidonk, habb isch gesaad, gemoie Hubert, ja, bei mir unn moine Leit iss alles gut. Isch habb nor gedenkt ...

... du dachtest, dass mir etwas passiert sei? Nein, aber jetzt erst einmal einen schönen guten Morgen, lieber Hannes, dut de Hubert ze Antwort gewwe. Aber ich musste dich heute früh unbedingt anrufen, da ich seit Freitag ständig an den Tsunami denken muss, weißt du, den von Weihnachten zweitausendvier im Indischen Ozean, bei dem so viele Menschen umgekommen sind.

Isch saach: Ja, dess iss gons schlimm gewese. Awwer warum dusden grad jetzt onn de Tsunami denke, hosde Wasser im Keller vumm ville Reesche?

De Hubert war e bissi oigeschnabbd: Hannes, mach' keine Witze. Nein, ich denke daran, wie das vor der großen Welle gewesen ist: Da hatte sich das Meer weit zurückgezogen, ein Naturschauspiel wie bei einer gewaltig großen Ebbe, und da sind viele Menschen weit hinausgelaufen, doch dann kam die Welle und hat sie alle ertränkt oder mit sich genommen und an Land zerschmettert.

No ja, Hubert, saach isch, omm friehe Moie schunn su Sache. Unn doodroo dusde seit Freidaach denke?

Ja, seet de Hubert, und weißt du auch warum? Weil die Entwicklung von Corona auch bei uns in Deutschland, sagen wir mal, gewisse Parallelen zum Tsunami aufweist. Wir waren bis vor kurzem noch wie bei Ebbe und viele dachten, das bleibt so und wir können überall herumlaufen. Doch jetzt, so wie damals, kommt die Welle mit Wucht heran.

Isch habb gons sicher e dumm Gesicht gemacht wie isch gesaad habb: Hubert, dess meddem Tsunami, mett Corona, mett dere Ebbe unn mett dere gruße Well iss ebbes, was merr sisch gut vorstelle kann. Awwer du waaßt joo wie dess iss: Aach bei gruße Welle gibt's Leit, die nitt getroffe odder mettgenumme wern. Unn su isses halt, dass vill vor allem junge Leit moone, dass egal was kimmt grad sie verschont bleiwe odder dasses bei ihne halt nitt su schlimm werrd.

De Hubert hott nitt locker gelosse: Hannes, jetzt mal weg vom Tsunami. Wenn die Jüngerer und ihre Kinder, gerade weil sie nur kleine Beschwerden haben, das Virus erst einmal zu ihren Eltern und Großeltern bringen, in deren Wohnung oder ins Altenheim, dann ist die Katastrophe da. Denkt ihr zwei bitte daran, nicht zu sorglos auch gegenüber euren jüngerer Verwandten zu sein. Vor allem dann nicht, wenn sie gerade aus dem Urlaub zurückkommen sind oder eine große Party gefeiert haben. Alles Gute, Hannes.

Isch habb ins Telefon geniggd. Dess mett dere Ebbe unn dere Well will isch noochher aach moim Kummbeer Schorsch verzähle, oons vunn dem soine Enkelscher will nemlich e gruße Hochzeit feiern. Machs gut, lieber Freund, unn bass aach du uff disch uff.

Eiern Honnes